



O'ZBEKISTON RESPUBLIKASI VAZIRLAR MAHKAMASINING QARORI

2022 yil « 9 » fevral

№ 65

Toshkent sh.

Президент таълим муассасалари агентлиги тизимидағи болалар оромгоҳи фаолиятини ташкил этиш чора-тадбирлари түғрисида

Ўзбекистон Республикаси Президентининг 2021 йил 19 июлдаги ПҚ-5188-сон “Президент, ижод ва ихтисослаштирилган мактаблар фаолиятини янада такомиллаштириш бўйича қўшимча чора-тадбирлар түғрисида”ги қарори ижросини таъминлаш ҳамда иқтидорли ёшларнинг санъат, спорт, илм-фан ва инновация соҳасидаги лойиҳаларини қўллаб-қувватлаш, уларни бир ғоя атрофида бирлаштириш, болаларнинг мазмунли дам олишини ташкил этиш ва соғломлаштириш тизимини янада такомиллаштириш мақсадида Вазирлар Маҳкамаси қарор қиласди:

1. Ўзбекистон Республикаси Президентининг 2021 йил 19 июлдаги ПҚ-5188-сон “Президент, ижод ва ихтисослаштирилган мактаблар фаолиятини янада такомиллаштириш бўйича қўшимча чора-тадбирлар түғрисида”ги қарори 13-бандига мувофиқ:

“Ўзметкомбинат” АЖнинг Тошкент вилояти, Бўстонлик туманида жойлашган мазкур жамиятга қарашли “Ёшлик” болалар соғломлаштириш оромгоҳи Президент таълим муассасалари агентлиги (кейинги ўринларда – Агентлик) тасарруфига беғараз ўтказилганлиги;

келгуси 10 йил давомида ушбу оромгоҳнинг фаолиятини юритиш ва сақлаш билан боғлиқ харажатларни “Ўзметкомбинат” АЖ томонидан ажратиладиган ҳомийлик хайриялари ҳисобидан қоплаш белгиланганлиги маълумот учун қабул қилинсин.

2. “Ўзметкомбинат” АЖнинг “Ёшлик” болалар соғломлаштириш оромгоҳи мол-мулки негизида Агентлик муассислигидаги “Ренессанс” соғломлаштириш оромгоҳи (кейинги ўринларда – Оромгоҳ) ташкил этилсин.

3. Куйидагилар Оромгоҳ фаолиятининг асосий йўналишлари этиб белгилансин:

болаларни соғломлаштириш, уларнинг ёш хусусиятидан келиб чиқсан ҳолда соғлом турмуш тарзига ўргатиш, жисмоний тайёргарлик даражасини ошириш;

ёшларнинг IT, STEAM (илм-фан, технология, мұхандислик, санъат, математика), бизнес бошқаруви, ижод соҳаларидағи иқтидорини ривожлантириш;

ёшларни касб-хунарга йўналтириш, тадбиркорликка ўргатиш, ёш олимларни қўллаб-қувватлаш, уларнинг касбий қобилиятларини ривожлантиришда устоз-шогирд анъаналаридан кенг фойдаланиш;

ёшларни, шу жумладан имконияти чекланган ёшларни қўллаб-қувватлаш, стартап лойиҳалари ва ўз устида ишлашларига муносиб шарт-шароит яратиш ҳамда амалиётга жорий этиш ишларини мувофиқлаштириш;

иқтидорли ёшлар тўғрисидаги маълумотлар базасини шакллантириш ва улар билан тизимли ишлаш механизmlарини жорий этиш;

ўқувчиларни халқаро фан олимпиадалари ва танловларга самарали ҳамда интенсив тарзда тайёрлаш;

Оромгоҳ базасида Агентлик тизимидағи раҳбар ва педагог қадрларнинг қисқа муддатли малака ошириш курслари, методологик амалиёти, халқаро экспертлар иштирокида маҳорат дарсларини, маҳаллий ва халқаро фестиваллар, анжуманлар, семинар, конференция, форумлар ва бошқа тадбирлар ўтказишини ташкил этиш;

Агентлик томонидан белгиланган ўқув дастурлари асосида дарс ва дарсдан ташқари машғулотлар, индивидуал ишлаш дастурларини шакллантириш ҳамда такомиллаштириш;

инновация ва илмий тадқиқотлар олиб бориш, илм-фан ютуқларини тижоратлаштириш ҳамда олий таълим ва касбга йўналтириш бўйича етакчи мутахассисларни жалб этган ҳолда маҳорат дарсларини ташкил этиш.

4. Белгилаб қўйилсинки:

а) Оромгоҳ давлат муассасаси ҳисобланади, ўз уставига, мустақил балансига, шахсий ғазна ҳисобварагига, номи давлат тилида ёзилган мухрга, штамп ва бланкаларга эга бўлади;

б) Оромгоҳ йил давомида фаолият юритади. Бунда:

ёшларнинг иқтидоридан келиб чиқиб, таълим сифатини ошириш ва индивидуал ёндашувни жорий этиш мақсадида ҳар бир гуруҳда ёшлар сони 20 нафаргача шакллантирилади;

ёшларнинг алоҳида қобилиятларини ривожлантириш мақсадида етакчи мутахассислар иштирокида индивидуал машғулотлар олиб борилади;

ёшлар учун умумтаълим дастурларини қамраб олган машғулотлар Оромгоҳнинг ўзида ташкил этилади;

в) Оромгоҳга Агентлик тизимидағи маҳаллий ва хорижий мутахассислар жалб этилади;

г) Оромгоҳга Агентлик томонидан лавозимга тайинланадиган ва лавозимидан озод этиладиган директор раҳбарлик қиласи;

д) Оромгоҳнинг йиллик даромадлар ва харажатлар сметаси Агентлик билан келишилган ҳолда Оромгоҳ томонидан тасдиқланади. Оромгоҳ маблағларининг мақсадли сарфланиши устидан назорат Агентлик томонидан амалга оширилади;

е) ёшларнинг стартап ва инновацион лойиҳаларини такомиллаштириш ва амалиётга татбиқ этиш белгиланган тартибда Инновацион ривожланиш вазирлигининг Илм-фанни молиялаштириш ва инновацияларни қўллаб-қувватлаш жамғармаси ҳамда маҳаллий ва хорижий инвесторлар маблағлари ҳисобидан амалга оширилади.

5. Агентлик уч ой муддатда:

Давлат активларини бошқариш агентлиги, “Ўзметкомбинат” АЖ, манфаатдор вазирлик ва идоралар билан биргаликда Тошкент вилояти, Бўstonлик тумани Юсуфхона қишлоғида жойлашган “Ёшлиқ” болалар соғломлаштириш оромгоҳини баланс қийматида бегараз қабул қилсин;

Оромгоҳ уставини тасдиқласин ва унинг давлат рўйхатидан ўтказилишини таъминласин;

Оромгоҳни чуқур билим, юқори касб маҳоратига эга, тажрибали раҳбар, маҳаллий ва хорижий педагог кадрлар ҳамда малакали мутахассислар билан тўлдирсинг;

Халқ таълими вазирлиги билан биргаликда Оромгоҳда ўқитиладиган умумтаълим фанларининг ўқув режасини тасдиқласин;

Оромгоҳга иқтидорли ёшларни жалб қилиш тартибини тасдиқласин.

Олий ва ўрта маҳсус таълим вазирлиги ҳамда Инновацион ривожланиш вазирлиги Агентликнинг талабномасига асосан иқтидорли ёшларни илмий тадқиқотчиларга бириктириш, уларнинг тадқиқот лабораторияларидан фойдаланишлари учун шарт-шароитлар яратсин.

6. Тошкент вилояти ҳокимлиги Агентлик, “Ўзметкомбинат” АЖ, Иқтисодий тараққиёт ва камбағалликни қисқартириш вазирлиги ва Молия вазирлиги билан биргаликда уч ой муддатда Оромгоҳ учун замонавий ўқув кампуси, ўқув лабораториялари, ўқув ресурс маркази, ўқув биноси, медиамарказ, спорт комплекси, конгресс-холл, кинотеатр, ётоқхона, жалб этиладиган ходимлар учун меҳмонхона, Агентлик ходимлари ҳамда педагог ходимлари учун дам олиш маскани лойиҳаси ишлаб чиқилиши ва халқаро стандартлар асосида реконструкция қилиниши ва қўшимча қурилиши бўйича лойиҳа (ложиҳаолди)

хужжатларини ишлаб чиқсин ва Ўзбекистон Республикасининг ижтимоий ва ишлаб чиқариш инфратузилмасини ривожлантириш дастурига қўшиш учун асосланган таклифларни берсин.

Бунда, замонавий мебель ва жиҳозлар, ўкув-лаборатория асбоб-ускуналари, компьютер, мультимедиа ҳамда видео-кузатув воситалари, шунингдек, имконияти чекланган ёшлар учун зарур жиҳозлар билан таъминлаш –“Ўзметкомбинат” АЖ маблағлари, шунингдек, қонунчиликда тақиқланмаган бошқа манбалар ҳисобидан амалга оширилади.

7. Куйидагилар Оромгоҳ фаолиятини молиялаштириш манбалари этиб белгилансин:

“Ўзметкомбинат” АЖ томонидан ажратиладиган ҳомийлик хайриялари;

Президент таълим муассасалари агентлиги ҳузуридаги Иқтидорли ёшларни қўллаб-қувватлаш жамғармасининг маблағлари;

стартап лойиҳаларни амалга оширишдан олинадиган даромадлар;

Оромгоҳнинг хизмат кўрсатишдан олинадиган даромадлари;

юридик ва жисмоний шахсларнинг ҳомийлик хайриялари;

халқаро молия институтлари ва ташкилотларининг грантлари, техник кўмаклашиш маблағлари;

қонунчилик хужжатларида тақиқланмаган бошқа маблағлар.

8. Тошкент вилояти ҳокимлиги, Автомобиль йўллари қўмитаси 2022 йил 1 июнга қадар Оромгоҳга олиб борувчи 12 км узунликдаги ички хўжалик йўлини маҳаллий бюджет маблағлари ҳисобидан таъмирлаш чораларини кўрсин.

9. Агентлик манфаатдор вазирликлар ва идоралар билан биргаликда ўзлари қабул қилган норматив-хуқуқий хужжатларни бир ой муддатда ушбу қарорга мувофиқлаштирун.

10. Мазкур қарорнинг бажарилишини назорат қилиш Президент таълим муассасалари агентлиги директори X.Ў. Умарова зиммасига ва Ўзбекистон Республикаси Вазирлар Маҳкамасининг Таълим ва соғлиқни сақлаш масалалари котибиятига юклансин.

Ўзбекистон Республикасининг
Бош вазири



А.Арипов